



INATSISARTUT

## Aningaasaqarnermut Akileraartarnermullu Naalakkersuisoq

Ulloq: 16. juli 2024  
J.nr.: 01.31.06/24-01082

### Aningaasaqarnermut Akileraartarnermullu Ataatsimiititaliap pingasunngornermi ulloq 1. juli 2024-mi aalajangiineranik Naalakkersuisunut ilisimatitsineq.

Tunisassiorfinnut tapiissutit aaqqissuussinerup atuuffissaanik annertusititsinissamut ilassutitut aningaasaliissutit missingersuutitut sunniuteqanngitsut. Ataatsimiititaliap suliaa nr. 01.31.06/24-01082.

”Naalakkersuisut inassutigaa,”

- kontop pingaarnerup 73.04.08-p taaguutaa “Savaaqqanik toqoraavinnut il.il. kiffartuussinissamut isumaqatigiissut” ‘Kalaallit Nunaanni imminut pilersornermik ineriartortitsineq’-mut allanngortinneqassasoq,
- tapiisarnermi aningaasanut inatsimmi kontop 73.04.08-p nuna tamakkerlugu imminut pilersornermut siunertaa tapiissuteqartarnermi *nunaqarfinni isorliunerusunilu*-miit *sumiiffiit apeqqutaatinnagit suliffeqarfiit tamarmik*-mut allanngortinneqassasoq, tapiisarnerup nuna tamakkerlugu imminut pilersornerup ineriartornissaa siumullu ingerlanissaa qulakkeerniarlugu,
- qinnuteqartitsisarnerni suli illoqarfinnit, nunaqarfinnit isorliunerusuniillu 1.000-it inorlugit innuttaqartunit qinnuteqaatit salliutinneqartassasut, tamatumalu kingorna aningaasaliissutit sinneqarpata illoqarfinnit 1.000-it sinnerlugit innuttalinnit qinnuteqaatit suliarineqartassasut,
- imminut pilersornermik ineriartortitsinermut tapiissutinik pissarsinissamut suliffeqarfiup tunisassiornera nunami namminermi imminut pilersorsinnaanermut qaffatsitseqataasinnaaneranik naliliisoqartarnissaa piumasaqaatigineqassasoq Naalakkersuisut akuerissagaat,
- tapiissuteqartarnerup qulequtaa ‘*tunisassiorfinnut tapiissutit*’-niit allanngortillugu siunissami ‘*imminut pilersornermik ineriartortitsinissamut tapiissutit*’-nik taaguuteqalissasoq,
- kontomi pingaarnermi 73.04.08 *Nunaqarfinni minnerusuni isorliunerusunilu imminut pilersorneq* siunertaasumut allannguutissat pineqartut 2025-mut Aningaasanut Inatsisissatut siunnersuummut ilanngunneqassasut.”
- Nunalerinermut, Imminut Pilersornermut, Nukissiutitut Avatangiisinullu Naalakkersuisoq annikinnerusunik aaqqissuusaanermullu tunngasunik allannguissamut piginnaatinneqassasoq.”

### Aningaasaqarnermut Ataatsimiititaliap oqaaseqaatai apeqqutaalu

Illoqarfinnit, nunaqarfinnit isorliunerusuniillu 1.000-it inorlugit innuttaqartunit qinnuteqaatit Naalakkersuisunit salliutinneqartassasut ataatsimiititaliamit maluginiarneqarpoq. Tamanna ima isumaqarpoq, aningaasaliissutit sinneqarpata aatsaat illoqarfinnit 1.000-it sinnerlugit innuttaqartunit qinnuteqaatit suliarineqartartut. Innuttaasunik immikkoortitsisoqarnissaanik

aaqqiissut nassataqassanngitsoq ataatsimiititaliamit innersuussutigineqarpoq. Tapiissuteqarnissamut aaqqiissut suliffeqarfinnut sumiikkaluartunulluunniit atuuttussatut Naalakkersuisut innersuussuteqarnerat eqquutsinniarnersariaqartoq ataatsimiititaliaq isumaqarpoq. Nuna tamakkerlugu imminut pilersornissamut tunngassutillit ineriartortinneqarnissaannut siuarsarneqarnissaannullu tapiissuteqarnissamut aaqqiissutip iluaqutaanissaa pingaaruteqarpoq. Tapiissuteqarnissamut aaqqiissutip siunertaa suliffeqarfinnut sumiikkaluartunulluunniit ukatarinninnissaq allanngortinneqartariaqanngitsoq ataatsimiititaliaq isumaqarpoq. Ilutigisainillu nuna tamakkerlugu imminut pilersorsinnaassutsip annertusineqarnissaanut iluaqutaassamik suliffeqarfiit tunisassiornerannik nalilersuinissamut aningaasaqarnikkut piujuaanartitsisinnaanermut tunngasut ilanngunneqassasut ataatsimiititaliamit pissusissamisoortutut isigineqarpoq.

Naggataatigullu aningaasanut inatsimmi ilanngussaq 1-imi – Aningaasaliissutitut takussutisami – konto pingaarnermi 73.04.08 ima allaqqasooq “*Nunaqarfinni minnerusuni isorliunerusunilu imminut pilersorneq*” ataatsimiititaliamit Naalakkersuisunut eqqaasitsissutigineqassaaq. Taamaattumik ileqquusutut isigissagaanni una taaguut Naalakkersuisunit ima allanngortikkusunneqarpoq ‘*Imminut pilersornermik ineriartortitsinissaq*’. Konto pingaarnermi allaqqasut taaguutip allanngortinneqarnera naapertorlugu iluarsineqarnissaa aamma ataatsimiititaliamit naatsorsuutigineqarpoq.

Qulaani allassimasut pillugit Naalakkersuisut oqaaseqaateqassasut ataatsimiititaliamit kissaatigineqarpoq.

### **Aningaasaqarnermut Ataatsimiititaliap aalajangernera**

Siuliani allassimasutut oqaaseqaateqarluni Naalakkersuisut inassuteqaataat ataatsimiititaliamit **akuerineqarput**.

Inussiarnersumik inuulluaqqusillunga



Asii Chemnitz Narup

Aningaasaqarnermut Akileraartarnermullu Ataatsimiititaliap siulittaasua